

FORM 4 MID TERM 2 2020

KISWAHILI PAPER 3

SEHEMU YA A : HADITHI FUPI **DAMU NYEUSI NA HADITHI NYINGINE.**

Swali la lazima

1. Ndoa ni asasi inayokumbwa na changamoto kadhaa katika Jamii ya leo. Jadili ukweli wa kauli hii kwa kurejelea hadithi zifuatazo : (al.20)
(a) Mke wangu
(b) Maeko
(c) Mwana wa Darubini
(d) Maskini Babu yangu

SEHEMU YA B :TAMTHILIA **MSTAHIKI MEYA: Timothy Arege.**

Jibu swali la 2 au la 3

2. Tamthilia ya **Mstahiki Meya** inasawiri Picha halisi ya mataifa mengi barani Afrika. Dhihirisha. (al.20)
3. “Wakisubiri ugonjwa nao utasubiri ? ”
(a) Fafanua muktadha wa dondo hili. (al. 4)
(b) Tambua kwa kutolea mifano tamathali mbili za usemi zinazojitokeza katika dondo hili. (al. 4)
(c) Eleza sifa na umuhiu wa mzungumzaji katika dondo hili. (al.12)

SEHEMU YA C : RIWAYA **KIDAGAA KIMEMWOZEA: Ken Walibora**

Jibu swali la 4 au la 5

4. Asasi ya ndoa katika riwaya ya **Kidagaa Kimemwozea** inakabiliwa na changamoto nyingi
fafan ua. (al. 20)
5. “Ndio, Mtu hujikuna ajipatapo. Sina hela za nauli wala za chumba cha kulala”
(a) Eleza muktadha wa maneno haya. (ala. 4)
(b) Ni masaibu gani mengine yaliyomkumba mse maji wa maneno haya ? (ala. 10)
(c) Fafanua sifa zozote **nne** za mse mewa. (al. 4)
(d) Eleza maudhui yanayojitokeza katika dondo hili (ala. 2)

SEHEMU YA D : FASIHI SIMULIZI

6. (a)Maigizo ni nini ? (ala. 2)
(b) Eleza aina **mbili** kuu za maigizo (al. 2)
(c) Eleza sifa zozote **nne** za maigizo (al.8)
(d) Fafanua majukumu ya tamasha za maigizo nchini Kenya. (ala. 8)

SEHEMU YA E : USHAIRI

7. *Soma shairi lifuatalo kisha ujibu maswali yanayofuatia.*

1. Sina ni kukosekana, si kuwa ni ubahili, Watu hutarajiana, kupana zao fadhili, Kiwapo chapatihana, chenye kuzidi shughuli, Sina si kuwa bahili, sina ni kukosekana.

2. Iwapo mwenzio hana, cha ziada kukujali, Ndipo anenapo sina, kukuafu yako hali, Usidhani ni hiyana, chake kuwa hakubali, Sina si kuwa bahili, sina ni kukosekana.

3. Yapasa kukumbukana, tuishipo mbali mbali, Kila mtu jambo yuna, limitalo thakili, Akawa ni mwenye dhana, la kesho kulikabili, Sina si kuwa bahili, sina ni kukosekana.

4. Na pindi anapoona, tarehe mno i mbali, Na katika muawana, punje ya rasilimali, Nyumbani kiwa hakuna, kukupa rntu muhali, Sina si kuwa bahili, sina ni kukosekana.

5. Kutaka ungekazana, nasaha na tafadhalii. Endapo hana namna. mwenzio lile na hili Bora ni kuombeana, Mungu awape sahali Sina si kuwa bahili, sina ni kukosekana.

6. Wajua watu hupana, kiasi cha kuhimili, Miyo kukunjuana, imani kuwa kamili. Akwambaye leo sina, kesho kweli takujali, Sina si kuwa bahili, sina ni kukosekana.

7. Hasa munaopendana. pendo lisotamthili, Kichache na zaidana. furahani na madhili Daima mwaambatana. leo ni gani ajili, Sina si kuwa babili, sina ni kukosekana.

Maswali

1. Lipe shairi hili kichwa mwafaka. (al. 2)
2. Taja na ueleze bahari **mbili** zinazojitokeza katika shairi hili. (al.4)
3. Eleza umbo la shairi hili. (al. 4)
4. Andika ubeti wa 6 kwa lugha nathari (ala.4)

5.Taja mifano **mitatu** ya maneno ambayo yameandikwa kishairi na kisha uyandike kisanifu. (al. 3)

6. Eleza maana ya msamiati ufuatao kama ulivtotumiwa katika shairi

(a) Bahili (al 1)

(b) Fadhili (al.1)

(c) Thakili (al.1)

8. Soma shairi kisha ujibu maswali yanayofuatia.

Mgomba umelala chini hauna faida tena

Baada ya kukatwa na kufanya kazi

Wa bustani kwa kusita

Watoto, kwa wasi wasi wanasubiri wakati wao

Watoto hakuna kitu

Isipokuwa upepo fulani wenye huzuni

Unaotikisa majani na kutoa sauti ya kilio

Hivyo ndivyo ufalme wa mitara uliyvo

Mti wa mji umelala chini hauna faida tena

Baada ya kukatwa na wafanyakazi

Wa bustani kwa kusita

Chumbani hakuna kitu

Isipokuwa upepo fulani wenye huzuni utingishao

Wenye hila waliozunguka kitanda na kulia

Machozi yenyne Matumaini ya piga.

Mbiu ya hatari ya magomvi nyumbani.

M ago mvi

Kati ya wanawake

Magomvi

Kati ya watoto kwa ajili ya vitu na uongozi

Ole! Milki ya ‘Lexanda imekwisha!

Vidonda nya ukoma visofunikwa

Ambavyo kwa muda mrefu vilifichana

Sasa viko nje kufyonzwa nzi kila aina

Na vinanuka vibaya

Lakini inzi kila mara hufyonza wakifikiri

Nani watamwambukiza.

Maswali

a) Lipe shairi hili kichwa mwafaka (al. 2)

b) Taja wahusika wanaojitokeza katika shairi (al.2)

c) Yataje mambo **manne** yanayotendeka baada ya mgomba kuka twa (al.4)

d) Tambua sifa zozote **nne** zinazokifanya kifungu hiki kuwa shairi. (al. 4)

- e) Onyesha kwa tafsiri mbinu ya lugha ya uandishi katika shairi hili ukiondoa mifano mwafaka (al. 4)
- f) Andika methali **tatu** zinazoweza kurejelewa katika shairi hili. (al.3)
- g) Kwa kutolea mifano taja na ufanue mbinu **mbili** za Uhuru wa ushairi katika shairi hili (al. 4)
- h) Eleza maana ya mafungu yafuatayo yaliyotumiwa kama mafumbo katika shairi (al.2)
 - i) Vidonda nya ukoma
 - ii) Mti wa mji umelala chini